



Cwllwm Busnes Caerdydd a'r Cylch

www.cwllwmbusnescaerdydd.com

*Ein cyfarfod
nesaf*

30 Medi 2010

Gwesty'r Holiday Inn,
Stryd y Castell,
Caerdydd
Efa Gruffudd, Urdd
Gobaith Cymru
6.00 ym 6.30

Medi 2010

Cystadleuaeth newydd i fusnesau De Ddwyrain Cymru

Bydd busnesau bychain yn Ne Ddwyrain Cymru yn cael eu gwobrwyo am eu twf cynaliadwy a'u defnydd o'r iaith Gymraeg, diolch i wobwr busnes newydd.

Mae Cwllwm Busnes Caerdydd a'r Cylch wedi partneri gyda Menter Cymru (Venture Wales) i greu'r wobwr. Bydd yr enillydd yn derbyn tlws a gwobr o £1000.

Mae'r wobwr ar agor i unrhyw fusnes maint bychain neu ganolig a sefydlwyd yn ystod y tair blynedd diwethaf. Mae'n rhaid bod y busnes wedi llwyddo eisoes yn ei faes de-wisiedig, ac wedi profi fod-ganddo'r potensial i dyfu mewn modd cynaliadwy ac wedi defnyddio'r iaith

Gymraeg wrth iddo ddatblygu.

Dywedodd Wyn Mears, ar ran y Cwllwm "Nod y wobwr yw dathlu llwyddiannau busnesau bychain. Rydym yn gobeithio darganfod enghreifftiau gwych o sut gall yr iaith Gymraeg fod yn gaffaeliad i dwf a llwyddiant, gan ddefnyddio'r gystadleuaeth fel modd i an-nog busnesau eraill i ddefnyddio'r iaith yn Ne Ddwyrain Cymru".

Ychwanegodd "Rydym yn dra ddiolchgar i Menter Cymru am eu haelioni wrth noddi'r gystadleuaeth eleni".



[Manylion y gystadleuaeth](#)

Disgwylir i'r ymgeiswyr gwblhau ffurflen gais er mwyn adlewyrchu eu strwythur a'u hamcanion, gan ddangos sut y llwyddwyd i sefydlu'r busnes, a'u cynlluniau ar gyfer y dyfodol. Y dyddiad cau ar gyfer ceisiadau yw Medi 30ain 2010. Gwahoddir rhestr fer o gwmnïau i ymddangos gerbron panel o feirniaid, a cyhoeddir yr enillydd mewn cyfarfod arbennig o'r Cwllwm ar ddiwedd mis Tachwedd.

Ffurflen gais a manylion pellach ar wefan Cwllwm Busnes Caerdydd a'r Cylch.

www.cwllwmbusnescaerdydd.com

Amcanion

Nod ac amcan Cwllwm Busnes Caerdydd a'r Cylch, sef cymdeithas o bobl busnes Caerdydd a'r cyffiniau, yw codi proffil y Gymraeg ym myd busnes yn y Brifddinas a De-Ddwyrain Cymru a rhoi cyfle i Gymry Cymraeg sydd

mewn busnes o bob math i gyfarfod ac i drafod materion yn ymwneud â busnes trwy gyfrwng y Gymraeg. Mae croeso i unrhyw un sydd â diddordeb ym myd busnes i ymuno â Chwllwm Busnes Caerdydd

a'r Cylch. Croesewir aelodau unigol ac y mae telerau arbennig ar gyfer aelodaeth corfforaethol i gwmnïau.



Archesgob Cymru yn siarad yn y cinio blynyddol



Pwyllgor Llywio

Mae Pwyllgor Llywio yn gyfrifol am weithgareddau Cwlwm Busnes:-

David Boobier (Cadeirydd)
Dafydd Hampson-Jones (Is-gadeirydd)
Keith Thomas (Trysorydd)
Blod Jones (Ysgrifennydd Aelodaeth)
Catrin Mears (Cyhoeddusurwydd)
Martin Rhisiart
Wyn Mears

Byddai canlyniad cadarnhaol mewn refferendwm yn beth da i'r byd busnes meddai Cadeirydd Cymru Yfory, Archesgob Cymru Dr Barry Morgan.

Roedd Dr Morgan yn siarad yng Nghinio Blynyddol Cwlwm Busnes Caerdydd a'r Cylch ar nos Iau 18 Mawrth yng Nghwesty'r Hilton o flaen 80 o Gymry Cymraeg y brifddinas.

Dywedodd Dr Morgan, fod Cymru Yfory – corff aml-bleidiol, traws-sector, aml-ffydd – yn credu bod symud ymlaen i gael pwerau deddfu go-iawn yn holl-bwysig i'r gymuned fusnes ac i ddatblygiad economaidd Cymru.

Rydym ni o'r farn yma am bedwar "rheswm," dywedodd.

"I ddechrau, mae modd dylanwadu lawer yn fwy effeithiol ar benderfyniadau llywodraeth pan fydd pawb yn glir ynghylch pwy sy'n penderfynu beth. Mae busnes bob amser, yn hollol briodol, yn pwysleisio'r angen i fod yn effeithlon ac i osgoi gwastraff. Wn i ddim sut y mae cyfiawnhau y gwastraff ar egni, amser ac adnoddau sy ynghlwm wrth y system bresennol.

"Yn ail, mae angen i'r ddadl ynghylch penderfyniadau ar y math o ddatblygu economaidd rydyn ni am ei weld yng Nghymru gael ei chynnal yng Nghymru, mewn awyrgylch democrataidd ac agored. Wrth reswm bydd y drafodaeth ynghylch materion

megis polisi ariannol, lefelau a mathau o drethiant ac ati, yn digwydd ar y lefel Brydeinig, ond bydd y ffin rhwng pwerau'r ddwy lefel yn gliriach o lawer.

"Yn drydydd, mae mawr angen cryfhau'r broses o ddatblygu polisi economaidd yng Nghymru. Byddai sefydlu patrwm seneddol o lywodraethu yng Nghymru yn hwb mawr i'r broses yma hefyd.

"Tra pery sefyllfa lle mae'r Cynulliad yn gorfod gofyn caniatâd San Steffan bob tro mae e eisiau deddfu, fe fydd Cymru yn israddol i'r Alban a Gogledd Iwerdon, ac mae hyn yn annerbyniol. O ran y cwestiwn Barnett er engrhaifft, mae'n sicr bod Cymru yn cael cam go ddifrifol o dan y trefniadau presennol, a ddylai fod wedi cael eu diwygio ers blynyddoedd."